



Republika e Kosovës
Republika Kosovo - Republic of Kosovo
Autoriteti i Konkurrencës
Autoritet za Konkurenciju - Competition Authority

Vendimi Nr.52/24

Datë: 18.06.2024

Duke u bazuar në nenin 11, 13, 15, 16, 17, 18, 26, 27 dhe nenin 55 nën paragrafi 1.5, të Ligjit Nr. 08/L-056, Për Mbrojtjen e Konkurrencës, Udhëzimit Administrativ Nr. 02/2023, Për Procedurën e Parashtrimit të Kërkesave për lejimin e Përqendrimit dhe Kriteret për Konstatimin e Përqendrimit dhe Udhëzimit Administrativ Nr.01/2023, Për Përcaktimin e Tregut Përkatës, Komisioni i Autoritetit të Konkurrencës i Republikës së Kosovës, në mbledhjen e datës 18.06.2024, mori këtë:

V E N D I M

I. LEJOHET Përqendrimi i ndërmarrjeve, lidhur me me krijimin e dy ndërmarrjeve të reja të përbashkëta nga Heinemann Asia Pacific Pte. Ltd dhe BWC Forwarders Private Limited.

II. Parashtruesi i njoftimit për Përqendrim obligohet të paguajë taksën administrative prej 1,000.00 €, me shkronja (një mijë euro), dhe Vendimin për Realizimin e Përqendrimit, në përputhje me nenin 55, paragrafi 1.5 të ligjit për Mbrojtjen e Konkurrencës dhe neni 24 i Udhëzimit Administrativ Nr. 02/2023, bëhet kundrejt pagesës në vlerë prej 6,000.00 € me shkronja (gjashtë mijë Euro).

Arsyetim

Autoriteti i Konkurrencës i Republikës së Kosovës me datë: 07.05.2024, me Nr. Prot. 153/24-11/H, ka pranuar kërkesën për Njoftim të Përqendrimit, lidhur me krijimin e dy ndërmarrjeve të reja të përbashkëta nga Heinemann Asia Pacific Pte. Ltd dhe BWC Forwarders Private Limited. Njoftimi për Përqendrim është i bazuar në Marrëveshjen e Bashkëpunimit, të lidhur mes palëve më datë 22 Shkurt 2024.

Procedurat e ndjekura:

1. Vërtetimi për Kërkesën e Dorëzuar me datë: 17.05.2024;
2. Njoftimi për realizimin e përqendrimit në web faqen e AKRK-së me datë: 20.05.2024;
3. Palët kanë lidhur Marrëveshjen për Blerjen e Aksioneve, të nënshkruar me 22 Shkurt 2024.

Baza Ligjore dhe akti i Përqendrimit

Sipas nenit 13, të Ligjit 08/L-056 Për Mbrojtjen e Konkurrencës, përmbushet detyrimi për të bërë njoftimin e Përqendrimit pasi që:

1. Qarkullimi i kombinuar i palëve në tregun ndërkombëtar e kalon shumën 20,000,000 Euro;
2. Qarkullimi i një pale në Përqendrim e kalon shumën 1,000,000 Euro;
3. Palët kanë lidhur Marrëveshjen për Blerjen e Aksioneve, të nënshkruar më 22 Shkurt 2024.

Heinemann Asia Pacific Pte. Ltd, është kompani e inkorporuar sipas ligjeve të Singaporit, me numrin e regjistrimit UEN 201000986C, dhe me seli të regjistruar në 10 Kallang Avenue, #12-14/18, Singapore – 339510 (“HAP”). HAP është një degë e 100% e Gebr. Heinemann SE & Co, KG (“GH”) dhe me seli rajonale të Grupit GH, rajonin e Azisë, Paqësorit. GH është biznes familjar me bazë në Hamburg, që operon dhe furnizon dyqane pa doganë në aeroporte, porte detare, tragete, lundrime dhe vendkalime kufitare në mbarë botën.

BWC Forwarders Private Limited, është kompani e inkorporuar sipas ligjeve të Indisë, Akti i Kompanive, 1956, me numër të identifikimit të kompanisë U63032TG2008PTC059929 me seli të regjistruar në H-1, Kompleksi Samrat, Saifabad, Hyberabad, Telangan, Indi 500004 (“BWC”). BWC është kompani me bazë në Indi që ofron shërbime globale logjistike dhe shërbime të administrimit të zingjirit të furnizimit. BWC ofron shërbime logjistike, në lidhje me produktet pa taksa dhe industri të tjera. E njëjta është ndërmarrje e kontrolluar, që i përket Grupit BBM. BBM Group është një konglomerat biznesi me qendër në Andhra Pradesh, Indi. BBM Group është aktive në agrobiznes, duhan, shitje me pakicë të produkteve të udhëtimit, IT-parqe dhe magazinime, gurë natyralë, si dhe në prodhimin dhe eksportin e specit djegës.

Tregu i produktit, Tregu i shitjes me pakicë të udhëtimit në pikat e shitjes me pakicë, pa doganë/doganë me pagesë, në aeroporte si dhe qendra të tjera transporti.

Tregu gjeografik, Tregu përkatës gjeografik, bazuar në Udhëzimin Administrativ Nr.01/2023, tregu gjeografik do të jetë tregu që përfshinë zonën në të cilën ndërmarrjet përkatëse përfshihen në furnizimin dhe kërkesën e mallrave ose shërbimeve, në të cilën kushtet e konkurrencës janë homogjene dhe mund të dallohen nga kushtet në zonat fqinjë. Në këtë rast, tregu gjeografik mund të lihet i hapur.

Analiza e konkurrencës

Transaksioni i propozuar nuk ngritë ndonjë shqetësim për konkurrencën në tregun përkatës, për arsye se DFS JV dhe DPS JV nuk synojnë që të jenë prezente në Kosovë. Transaksioni nuk çon në ndonjë mbivendosje horizontale ose marrëdhënie vertikale në aktivitetet e palëve dhe në këtë mënyrë, çdo shqetësim i mundshëm i konkurrencës mund të përjashtohet qartë. Çështja e përcaktimit të saktë të tregut gjeografik, mund të lihet e hapur.

Efektet e konkurrencës në tregun përkatës nga transaksioni i realizuar

Transaksioni kryesisht do të zhvillohet në tregun e Indisë. Kërkesa për njoftim të përqendrimit është bërë, për arsye se [redacted] është pjesë e [redacted] operon me shitjen e produkteve, ku mbizotëron ushqimi, pijet dhe duhani, kozmetika dhe parfumet, pa taksa, në [redacted]

Sipas vlerësimit të përqendrimit, nga ky transaksion nuk do të ketë efekte negative për konkurrencën, e rrjedhimisht për konsumatorët në Republikën e Kosovës, DFS JV dhe DPS JV nuk synojnë që të jenë prezente në Kosovë. Nga të dhënat e ofruara konsiderojmë se implementimi i transaksionit nuk do të ketë efekt negativ në tregun kosovar, e rrjedhimisht nuk ka mundësi të kufizimit ose shtrembërimit të konkurrencës në tregun përkatës. Divizioni i Përqendrimeve ka vlerësuar se ky transaksion, nuk do të paraqesë efekte negative në konkurrencë, për arsye se ky transaksion/blerja nuk do të ndikojë në forcimin e pozitës dominuese të ndërmarrjes blerëse tek operatorët ekonomik apo konsumatorët, përkatësisht objekti i kontratës nuk korrespondon, me tregun përkatës të Republikës së Kosovës.

Shënim:

Çdo formë e shtrembërimit të konkurrencës, respektivisht sjellje anti-konkurruese, do të jetë nën monitorimin e Autoritetit të Konkurrencës të Republikës së Kosovës.

Kërkesa për Përqendrim, merr epilogun si në dispozitiv të këtij, Vendimi.

Vendimi hyn në fuqi menjëherë.

AUTORITETI I KONKURRENCËS KOMISIONI

Neirne Binaku-Isufi
Kryetare

Kaltrina Sela
Nënkryetare

Nafije Osdatari
Anëtare

Florent Mehmeti
Anëtar

Salihe Gashi-Loku
Anëtare



III. Me këtë Vendim, të njoftohen:

- Palët
- Arkiva